



*par continuâ la conte di Nelo Malisan*

Pense Nelo, o stoi preparant une presentazion pe serade di osservazion astronomiche de Lune di sabide ai 19 di setembar, oltri al eclis di Lune dal 28, e sgarfant te RET par cirî cualchi curiositât, o soi finît ta un sít di fantasience là che a contin dal sbarc di Armstrong su la Lune intal mâr de Trancuilitât. E disin che, pene metût il pît sul teren lunâr tal 1969, il mitic Neil al vedi viodût une nule di fum e une puce une vore strambe vignî sù di un crater, e daspò un moment al vedi sintût di lontan un "Mandi, di dulà vegnistu?" businât a dute vôs. "And you, who are you?" E tu cui sêstu? i domandè Neil.

"O soi Setim, a 'derin altri sîs prin di me, furlan di Talmassons migrât tes Americhis tal 1929".

"What are you doing here?" Ce fâstu di chês bandis ca vie.

“Soi ca par un sbalio de NASA, ca mi à mandât sù cuntune da lis primis missions Apollo, e po dopo a no son stâts plui bogns di puartâmi indaûr”.

“And how the hell do you survive here” E cemût fâstu a vivi ca vie?

“O vevi nulît la trapule e prin di partî o vevi jempladis lis sachetis di grignei di blave di Mortean e cuatri rasiçs di Merlot, come ch'o vevi fat prin di partî pes Americhis, e a lis ai plantadis su la Lune. O vîf di polente e vin, vûstu cerçâju?”

“Why not, let me taste your polentevin” Parcè di no, cercìn la tô polentevin.

“A ti plasie?” i domandà Setim

“Excellent your food, would you like to come back on Earth with us?” Une vore sauride la tô pitance, vûstu tornâ indaûr su la Tiere cun noaltris, i disè Neil.

“Aromai o soi vecjo, e ca vie a no ai sparagnât nuie, cemût fasio a fâmi sù la cjasute e par di plui cence nancje la pension, al è miôr ch'o resti ca sù a spietâ cualchi altri furlan par saludâlu cuntun Mandi”

“If you want, I can spend a word for you with NASA management, but whether you want to stay here, I surely can arrange for someone, better a women, to join you with the next Apollo mission” S'a tu vuelis o pues meti une buine peraule cun chei de NASA par fasiti vê la pension, ma s'a tu vuelis restâ ca sù o i dîs di mandâti cualchidun, magari une feminine, cu la prossime mission Apollo.

“Sâstu ce ch'a ti dîs Neil, o soi stât tant ben fin cumò cence vê rompi scjatulis ator, ch'a no savarès ce sielzi”.

“Well is up to you, let me know something before my leaving, Mandi Setim e graciis pe polentevin” Benon a tu âs di decidi tu, fasimi savê alc prin ch'o torni indaûr, Mandi Setim e graciis pe to polentevin.

“O soi content Neil, ch'a tu vedis imparât a dî Mandi”

*di Bepi Zefon*